

星
命
溯
源



總校官編修臣王燕緒

校對官編修臣勵守謙

謄錄監生臣劉贊化

欽定四庫全書

星命溯源卷四

鄭希誠觀星要訣

余在江湖二十餘年訪求訣命之士甚多考藝多無
實學與果老所傳大不侔矣其中間有可取條目及
彷彿格局不曾該載凡例者今續附于后以俟叅用
焉

一排命先求星厯端正太陰晨昏起度不差若差之毫

釐繆以千里取三方對照生尅帶貴帶殺若何夜生人重身度主要緊

一觀命局面在乎變通假如四火為命或失經於水得水氣為援吉若水字又高於木氣展轉互相生亦可取用飛廉守照遇星制伏則不為害諸星沉退一星滿用大貴

一先看命度帶殺限度重併遇生星即死如庚戌八月生人安命室火木為劫土為浮沉火為劍鋒三十二歲

行斗木水中死

一日干弱老年加殺必死且如丙丁日干年月時庚辛加酉運或庚辛年必死甲乙日干庚辛月時夾雖未老見庚辛必死此條論三命法

一官祿星宜守照身命若化祿魁天地人三元大貴

一恩主隨身為富貴格假如坐四土火為恩與月同行

又是夜生得令得時更遇生旺諸吉扶之為一二三品之貴如庚辰四月亥時女土泊命火炁月在畢行氏限

輒登侍郎尚書最怕土退行縱有吉星為援亦終不吉
一飛廉守命主天須看格局高強有救有援命亦可延
如丙子正月生人命泊尾字守照土在命為援亦不為
忌又如室火安命正月水為廉守照若值太陽或木土
同宮反吉不為害若坐劫的刃行弱限必凶格局高不
怕

一八煞朝天假如戌亥安命金火獨守照得令得時為
上格如泊命柳二三度及翅亢泊命者金火土兼為八

煞主獨去占天門得所為上格

一命坐刃不宜金守照加火羅愈惡壽不延長木命人
不得其死逢空稍輕

一流刃併天雄遇木炁為煞最重命坐四土或坐四月
度者或原月與木氣同躔行限值刃炁有災家口不寧
限雖不遇太陰逐月行宮遇此刃炁決主刑杖或墜跌
之災丙辰刃氣在張行限見之多災流太陰遇之同日
受杖八十予命在女炁月同度在亥丙辰年壬辰月戊

寅日太陰值流炁流水又在角小限并丑值月宮符大
限在氏值病符原炁三方切照氏八度忽高樓跌下死
一日不知人事炁月在丑值月宮又難子息

一月煞飛廉最要看假如我命八月月煞在亥太歲
填實本嫌炁月同躔室度所喜炁生身度火與彼有情
作事儘有方便未免亦有險撞

一看命不拘晝夜須看太陰落在何度有無夾拱吉凶
與命相參取用又看本生日干化曜金木水火土加在

月上與別曜有無尅制假如我命甲子曰干甲己土太陰即屬土不宜月炁同躔主有疾炁為財福又日生人稍輕行四月度主脾胃疾炁氣若帶殺瘧疾經年不愈脫限外方可

一縊死必犯闡干殺有甲戌生人柳土泊命土起亢羅守照一生發用五十七限脫鋒入劫自縊死又甲寅生人寅時軫水立命月起官祿參水四度十八歲入張為生員縊死以亢參度數是攔干故也又如乙卯生人璧

水立命日月夾水中道士官卑至六十二行外未將入
刃縊死何也蓋宮火怒畢七原欄干煞起畢七與字同
道命水又是廉劫主不宜夾拱亦主縊死不獨看欄干
但諸殺併沓壽元根基淺薄亦主橫死

一月帶刃不宜與火羅同躔主目有疾若在巳上主耳
聾火羅帶殺險火命人稍輕行并度與煞金同纏在卯
或在別宮火逼緊亦主刑死且如巳未生人二月九月
又是未申宮泊命月是煞主最嫌與刑金同步若得令

先榮後刑又有丁丑二月生人金月在子火在午亥宮
泊命金為兄弟帶煞行煞限被弟持刃殺死

一寒月要隨陽日月同躔又是四月泊命更官福財田
又好為上格

一看官魁星要緊名利人根基既好更官魁在命或在
官福在八煞獨行得令作顯官如甲壬生人炁月為官
魁乙生人水日是也

官魁例

前為官
後為魁

甲命

月 炁

乙

日 水

丙

羅

丁

計

戊

火

巳

金 火

庚

水 金

辛

字 木

壬

炁 月

癸

木 土

一五星帶天雄羊刃近太陽主目疾四日泊命愈驗日

守照亦然若日帶孤廉刃守照或遇殺星輔夾俱主天

一用星或命或官本弱得援星親切得所者為上

一命坐孤却有孤却星守照者有命帶孤却者不可一

概論大抵身命帶從坐煞孤却逢生必害六親各有輕

重得失之分

一命坐四金度土對照金勢強假使金木同度或驪木宿者既尅為財主一生有財及至行限與金木同度決然不利因財致禍刑煞重併者者尤甚

一看命度帶煞與不帶煞起在何宮度與三方有無相戰方論吉凶假使金為命度又是廉刃等煞或與火羅衝戰或與太陰同道決主重疾若帶孤刃亦主孤乏若帶煞升殿居垣更加三元會此皆是顯達上格餘皆倣此

一八煞煞宮刃雄併或身命坐臨此宮或煞星臨照此宮皆主重疾八煞主守照得所主權貴

一八字中諸劫刃併在年時上主疾否則天若諸吉貴祿注受斗杓符印在年日時上大吉貴如甲辰甲子甲申九月十一月注受祿馬生旺在寅寅時最好

一火帶帶刃鋒行限遇之或太歲加臨主血毒災金帶鋒刃主喘肺中有疾

一命坐刃鋒逢空加福官國印得力貴格

一天元星最要緊或守命得令相資或是身命主聰明
加生旺貴祿為奇主貴

一行限見夫妻星又吉曜得令主有喜行度交送見之
有吉有凶生我者吉尅我者凶如井木行室火為脫氣
凶

一同年月日時之命出處不同何也想太陰交宮過度
淺深先後有八刻之分假如前四刻月在心五度論太
陰行事後四刻月到尾初論火取用各有不同况夜生

人乃身度主為要因往推來可驗

一三元最宜照官祿若安命在奎婁更天元星得令得地會官福必中進士狀元

一身命坐空怕刃對照主夭行限見凶星難過坐命對生時又遇殺守照壽不長

一四金泊命主起煞宮蓋煞氣太重命不久長若福祿身好發用只宜引陽貴

一冬令金水嚴凝若守照或是命度乃孤乏之人也遇